

Broj: 01-14-4-751-7/17

Sarajevo, 05.07.2017. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama Bosne i Hercegovine («Službeni glasnik BiH», broj 39/14), na preporuku Komisije za javne nabavke imenovane rješenjem broj: 01-14-4-751-1/17 od 20.06.2017. godine, direktor Federalnog hidrometeorološkog zavoda, d o n o s i

## ODLUKU

### o izboru najpovoljnijeg ponuđača za nabavku usluga: Servisiranje opreme za praćenje kvaliteta zraka na stanicama: Jajce, Zenica, Sarajevo i Ivan Sedlo

I.

U cilju odabira najpovoljnijeg ponuđača, u provedenom postupku javne nabavke–Konkurentski zahtjev za dostavu ponuda za javnu nabavku usluga –Servisiranje opreme za praćenje kvaliteta zraka na stanicama: Jajce, Zenica, Sarajevo i Ivan Sedlo, evidencijski broj nabavke: 01-14-4-751-3/17 od 21.06.2017. godine, broj obavještenja o nabavci sa Portala javnih nabavki: 615-7-2-32-3-3/17 od 21.06.2017. godine, kao najbolje ocijenjena prihvatljiva ponuda je ponuda ponuđača **E3 d.o.o. Sarajevo**, Jukićeva 51a, Sarajevo, broj: P-017-058-003 od 03.07.2017. godine, sa ukupnom cijenom ponude sa uračunatim popustom bez PDV-a, u iznosu od **19.854,30 KM**.

II.

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena) ponudio je najnižu cijenu.

III.

Po isteku roka za žalbu, odnosno po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezano za predmetnu javnu nabavku shodno uslovima iz tenderske dokumentacije i zakonskim propisima koji regulišu postupke ugovaranja.

IV.

Izabrani ponuđač dužan je dostaviti dokaze o kvalificiranosti iz tačke 12. i 13. tenderske dokumentacije u roku od 5 (pet) dana nakon što bude obaviješten od strane ugovornog organa o rezultatima postupka nabavke.

V.

Za realizaciju ove odluke zadužuje se Sektor opštih poslova.

VI.

Ova Odluka objavit će se na web stranici Zavoda, [www.fhmzbih.gov.ba](http://www.fhmzbih.gov.ba), istovremeno sa upućivanjem iste svim ponuđačima koji su učestvovali u predmetnom postupku javne nabavke, shodno članu 70. stav (6) Zakona o javnim nabavkama.

VII.

Ova Odluka stupa na snagu danom donošenja i dostavlja se svim ponuđačima koji su učestvovali u predmetnom postupku javne nabavke, shodno članu 71. stav (2) Zakona o javnim nabavkama.

## Obrazloženje

Postupak javne nabavke usluga pokrenut je Odlukom o pokretanju postupka javne nabavke usluga: Servisiranje opreme za praćenje kvaliteta zraka na stanicama: Jajce, Zenica, Sarajevo i Ivan Sedlo, broj: 01-14-4-751/17 od 19.06.2017. godine, i to ponavljanjem postupka. Prethodni postupak javne nabavke predmetne usluge okončan je donošenjem Odluke o djelimičnom poništenju dijela postupka javne nabavke usluga servisiranja opreme za praćenje kvaliteta zraka, broj: 01-14-4-370/10/17 od 15.05.2017. godine, i to u dijelu koji se odnosi za LOT 1. Servisiranje opreme za praćenje kvaliteta zraka na stanicama: Jajce, Zenica, Sarajevo i Ivan Sedlo, u skladu sa članom 69. stav (2) tačka e) Zakona o javnim nabavkama.

Javna nabavka provedena je putem Konkurentskog zahtjeva za dostavu ponuda sa procijenjenom vrijednosti javne nabavke bez PDV-a cca. 20.000,00 KM, i za istu je objavljeno obavještenje o nabavci na Portalu javnih nabavki Agencije za javne nabavke, pod brojem obavještenja 615-7-2-32-3-3/17 dana 21.06.2017. godine u 10,10 sati.

Pozive za dostavu ponuda Komisija je uputila na adrese tri ponuđača istovremeno sa objavljivanjem obavještenja na Portalu javnih nabavki, dana 21.06.2017. godine, i to: 1. „E3“ d.o.o. Sarajevo, 2. „Mikro+polo“ d.o.o. Sarajevo i 3. „Ceteor“ d.o.o. Sarajevo.

Zahtjev za ustapanje tenderske dokumentacije dostavio je jedan ponuđač, i to: „INSTRUMENTS Ltd“ Sarajevo.

Rok za dostavu ponuda bio je 03.07.2017. godine do 12,00 sati.

U predviđenom roku, uredno u zatvorenoj koverti, u skladu sa zahtjevima iz tenderske dokumentacije, dostavljena je samo jedna ponuda ponuđača „E3“ d.o.o. Sarajevo.

Dana 04.07.2017. godine, Komisija je direktoru Zavoda dostavila Zapisnik o pregledu i ocjeni ponuda s preporukom o izboru najpovoljnijeg ponuđača u postupku javne nabavke usluga: Servisiranje opreme za praćenje kvaliteta zraka na stanicama: Jajce, Zenica, Sarajevo i Ivan Sedlo. Komisija je provela proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu ugovornog organa, a kako je traženo u konkurentskom zahtjevu. Zapisnik o pregledu i ocjeni ponuda, broj: 01-14-4-751-6/17 od 04.07.2017. godine, čini sastavni dio ove Odluke i u istom je utvrđeno slijedeće:

- Da je ukupan broj pristiglih ponuda jedna (1);
- Da je blagovremeno zaprimljena ukupno jedna (1) ponuda;
- Da nije bilo neblagovremeno zaprimljenih ponuda;
- Da je jedina prispjela ponuda ponuđača „E3“ d.o.o. Sarajevo prihvatljiva i da ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

U postupku donošenja odluke cijenjene su činjenice da je Komisija pravilno i potpuno izvršila ocjenu kvalificiranosti ponuđača, te ocjenu i rang listu prispjelih ponuda, shodno kriteriju najniža cijena, odnosno ocijenjeno je da je Komisija pravilno izvršila izbor najpovoljnijeg ponuđača u skladu sa Zakonom o javnim nabavkama, podzakonskim aktima i tenderskom dokumentacijom, te je dala prijedlog direktoru da se predmetni ugovor o nabavci usluga servisiranja opreme za praćenje kvaliteta zraka na stanicama: Jajce, Zenica, Sarajevo i Ivan Sedlo dodijeli ponuđaču „E3“ d.o.o. Sarajevo sa ukupnom cijenom ponude u iznosu od 19.854,30 KM bez PDV-a.

Članom 89. stav (3) Zakona o javnim nabavkama propisano je da kada ugovorni organ primi jednu prihvatljivu ponudu dodjeljuje ugovor tom ponuđaču i to najkasnije u roku od deset dana od dana okončanja postupka javne nabavke.

Iz navedenog razloga, primjenom člana 64. stav (1) tačka b) Zakona o javnim nabavkama odlučeno je kao u dispozitivu.

U skladu sa članom 70. stav (6) Zakona o javnim nabavkama ova odluka ima se objaviti na internet stranici Zavoda istovremeno sa njenim upućivanjem ponuđaču koji je učestvovao u postupku javne nabavke.

**Pouka o pravnom lijeku:** Protiv ove odluke dozvoljena je žalba u pisanoj formi u roku od pet (5) dana računajući od dana kada je ponuđač primio ovu odluku. Žalba se izjavljuje ugovornom organu - Federalnom hidrometeorološkom zavodu u skladu sa članom 99. i 101. Zakona o javnim nabavkama, u dovoljnom broju primjeraka, a koji ne može biti manji od tri.



DIREKTOR  
*[Signature]*  
Amir Bijedić

Dostaviti:

- Ponuđaču „E3“ d.o.o. Sarajevo
- Sektor opštih poslova
- IT Centar
- a/a